

» ze in poter de un solo el tiranneggiar l'intiero vostro popolo, che
 » sto solo a piacer suo pol' introdur quei generi de carni, che più
 » ghe torna conto; che sta union de partidi tol quella felice emula-
 » zion fondada sul desiderio de esitar le proprie merci; ho spiegà
 » in somma tutti de sti tre partidi i disordini. Cosa de tutto questo
 » ghe ze nella offerta proposizion? Per l'eccitamento ga da esser
 » averto l'adito al taglio del partido. Se nol ghe ze; la proposizion
 » sarà illusoria; e se vol tegnir i partidi nel stato nel qual i ze; la
 » proposizion non conduse al fin proposto dall'eccitamento e coman-
 » dà dai vostri voti. Mi no go una question de autorità, de corpi;
 » ma cerco se sta proposizion daga adito a esaminar sti contratti sui
 » partidi e a tagliarli, se i sia lesivi. Le ghe ne daga la prova. Nei
 » contratti, coi quali el senato dispensa i pubblici dazj, ello certo in
 » questi *utitur jure privati*. Quando el ze un semplice privato con-
 » traente, el ze soggetto a tutte le leggi dei contraenti privati. Col
 » ze tal, come mai ello, che ha formà el contratto, poderallo o alte-
 » rar o tagliar sto contratto? Con qual autorità poderalo farlo?

• Ze ancora deluso el comando. Se le vol, ch' el senato possa
 » farlo, le ghe daga una conveniente autorità, che ze propria solo
 » del Mazor Conseggio. Se propona una proposizion che precisa-
 » mente ghe demandi sta autorità; se diga in questa, ch' el possa
 » tagliar sti partidi, e allora sta proposizion non sarà illusoria, e non
 » sarà allora esposto l'erario a giudiziarie pretese, quando i partidi
 » vegna tagliadi dalla suprema inappellabile autorità del Mazor Con-
 » seggio. Pol el sovrano *de magnitudine potestatis* discender al taglio
 » de un partido, quando a questo lo porti o giustizia o pregiudizio
 » de popolo, colla massima, che *deceptis non decipientibus jura sub-*
 » *veniunt*. Tagiadi ch' el sia, no ghè più logo a giudiziarie pretese.

• Ho ditto dell' arbitrio insopportabile dei fabbricatori dei panni
 » de seda e de lana, che i abbia, quai sovrani, el diritto de emerger
 » dal comprator qualunque prezzo, senza una certa regola, senza
 » disciplina. Queste ho ditto non ze le leggi, non queste le disci-
 » pline su tanto argomento interessante erario, popolo, nazione,